



三因方  
五十六

武  
28  
9



門 賦 9  
册 528  
9

國 庫

國 庫

三因極一病證方論卷之十五

瘰癧證治

夫九漏形疹皆瘰癧於項腋之間發作寒熱其根在  
臟腑千金所叙雖名九漏別錄方證其名更多狼漏  
根於肝得之憂怒鼠漏根於胃得之食鼠毒蟻蝨漏  
根於大腸得之食菓蜂漏根於脾得之飲流水有蜂  
毒蚩蜂漏根於腎得之食中有蚩蜂毒蟻蝨漏根於  
心得之喜怒哭泣浮蛆漏根於膽得之思慮瘰癧漏  
根於腎得之新沐髮轉脈漏根在小腸得之驚卧失  
枕此等因證文義不明未知所始若以理例較之怒

小兒科

森氏開萬  
冊府之記

國 庫

瘰癧證治

根在肝鼠毒在胃食瓜菓在大腸蜂水在脾姑且通  
谷易曉如轉脉因驚根當在膽却云在小腸浮蛆因  
思慮根當在脾却云在膽瘰癧因沐髮亦不當在腎  
名義不通似難考據又况哭泣得瘰癧之名思慮則  
浮蛆之名此尤不可曉也其外更有風漏冷漏蝎漏  
蟻漏蜚蝗漏蛆漏蝦蟨漏等名狀不一諒皆出於  
上俗隨象命名耳難以考據治法觀其未着於肌  
肉而外為膿血者從本引末可使衰去針之灸之傳  
之角之從其所因宜通本臟皆有成法千金又有決  
死生反其目視其中有赤脉從上下貫童子見一脉

一歲死見一脈半一歲半死二脈二歲死三脈三歲  
死赤脉不下貫童子可治雖有是說驗之病者少有  
是證亦難攷據此往往是三陽傳諸陰經方有之若  
本臟發未必有是學者知之

必勝丸治瘰癧不以年深日近及腦後兩邊有小結

連復數箇兼勞瘵腹內有塊

鯽魚一箇去腸肚并子入雄黃一粒雞子大硃砂  
以全蜈蚣一條蓬朮半兩搗子五个皂角二挺並  
燒草麻子五个去皮灯上燒更用黃明膠三文皂  
角二挺去皮酥灸

右為末別用皂角二挺去皮搥碎以水三椀搥汁

去滓煮精羊肉四兩爛軟入輕粉五厘男子乳汁  
半兩同研成膏和藥末丸如菘豆大朱砂為衣温  
酒侵晨下十丸日一服至晚下肉疔疽子若項有  
五箇則以五服藥取之視其所生多少以為服數  
既可更進數服如熱毒瘡癤未有頭腦者一服亦  
須消散

白花蛇散治九漏瘰癧發於項腋之間增寒發熱或  
痛或不痛

白花蛇 酒浸軟去皮骨 焙乾秤二兩 生犀 鎊半 黑牽牛 半兩半 生半炒  
青皮 半兩

右為末每服二錢膩粉半錢研勻五更糯米飲調  
下已時利下惡物乃瘡之根也更候十餘日再進  
一服忌發風壅熱物如已成瘡一月可效用之神  
驗

四聖散治瘰癧用花蛇散取轉後須用此補之永去  
根本

海藻 洗 石決明 煨 菴活 瞿麥穗 各等分  
右為末每服二錢米湯調下日三服下清水盡為  
妙

蝮牛散治瘰癧潰與未潰皆可貼

蝸牛

不拘多少以竹索串瓦上曬乾燒存性

右為末入輕粉少許猪骨髓調用紙花量病大小貼之一法以帶殼蝸牛七箇生取肉入丁香七枚於七殼內燒存性與肉同研成膏用紙花貼之

早蓮子丸治少長臟氣不平憂怒驚恐諸氣抑鬱結聚瘰癧滯留項腋及外傷風寒燥濕飲食百毒結成諸漏發作寒熱遍于項腋無間久近悉主之

早蓮子連翹子

威靈仙

何首烏

蔓荊子

三稜

醋浸濕紙裏煨

赤芍藥

各一兩

木香

二兩

大皂角搯

括去皮酥炙无酥用羊脂炙

右為末糊丸梧子大建茶清下二十九至五十九日三服小兒量與之食後服

癭瘤證治

夫血氣凝滯結癭瘤者雖與癰疽不同所因一也癭多著於肩項瘤則隨氣凝結此等皆年數深遠浸大浸長堅硬不可移者名曰石癭皮色不變即名肉癭筋脉露結者名筋癭赤脉交絡者名血癭隨憂愁消長者名氣癭五癭皆不可妄決破決破則膿血崩潰多致天柱瘤則有六骨瘤脂瘤肉瘤膿瘤血瘤亦不可決潰肉瘤尤不可治治則殺人唯脂瘤破而盡其

脂粉則愈

破結散治石癭氣癭勞癭土癭憂癭等證

海藻洗 龍膽 海蛤 通草 昆布洗

礬石枯 松蘿各三分 麥麩四分 半夏

右為末酒服方寸七日三忌鯽魚猪肉五辛生菜

諸雜毒物十日知二十日愈

白膏治一切風熱毒腫及臍氣鬱結丹石發動結為

癰疽癰癧諸瘡腫未破即令消散九漏浸淫膿汁

淋漓諸治不差者悉主之

白欬 白薇 白及 白芷 薤白各半

兩剉洗以清油一斤 黃芪 茸松 藿香

煎至半斤憑去滓入 當歸各半兩再入前油煎

零陵香 防風 寒水石煨水鹿麝

定粉二兩 黃蠟三兩 寒水石二兩研細

右再煎滴水成珠為度磁器盛之以腦子少許糝

其上煎時忌鐵器以柳枝攪

附骨疽與白虎飛尸歷節風皆相類歷節則走注不

定白虎飛尸痛淺按之則便附骨疽痛深按之無益

又一說白虎飛尸亦能作膿著骨而生及其腐潰碎

骨出盡方愈如是則附骨疽與白虎飛尸是不為但

深淺不同耳白虎飛尸又俗名風煞然病附骨疽少  
有膏出者宜拔毒熱不可一向泥五香連翹漏蘆之  
屬當先溫醫如靈寶膏乃神藥唯在針烙淺深刺拔  
其毒根則易愈不爾則順脈流走遍體洪腫卒致不  
救

**蟾蜍膏**治附骨疽久不差膿汁敗壞或骨從瘡孔出

大蝦蟆一枚 亂髮一塊雞 猪脂油一斤

右同煎二物畧盡瀝去滓凝如膏貼之凡欲貼瘡  
須先以桑白皮烏豆煎湯淋洗拭乾以龍骨煨為  
粉糝瘡四邊令易收然後方用貼藥

**黑鯽膏**治附骨疽腫熱未破已破或膿出不愈

黑色鯽魚一箇去腸肚入白  
鹽令蒲線縫定

右銅石器中煮一盞水盡魚乾焦為末脂油調傳  
已破則乾糝少痛勿怪

**赤木丸**治附骨疽膿出淋漓久久不差已破未破皆

可服

赤木一斤米泔浸三宿取出洗淨曬乾再以大麻

白七根煮黑油 破故紙炒 川練劉炒 茯苓

舶上茴香炒 杜茴香 白芷 桃仁各半斤

右為末煉蜜丸梧子大每服五十丸溫酒塩湯任

下

一方用槲樹皮燒灰為末飲方寸匕

一方用蜜陀僧為末以猪脊骨髓調傳之兼治痔漏不愈

丁腫證治

世醫謂傷寒在諸風之上癰疽冠雜病之先言此二病車大急切然方論丁腫又在癰疽之前其意謂急切甚矣但江左少見此病醫者不以為事病源既有不可不知且依千金類例其列于後既不能究其源亦不敢妄有改作一曰麻子丁肉上起頭如黍米色

稍黑四邊微赤多癢忌食麻子及麻衣并入麻由中行二曰石丁皮肉相連色烏黑如黑豆甚硬刺之不入肉陰陰微疼忌瓦礫磚石之屬三曰雄丁胞頭黑壓黑四畔仰瘡胞漿起有水出色黃大如錢孔忌房事四曰雌丁瘡頭稍黃向裏壓赤似灸瘡四畔胞漿起如錢孔心凹色赤忌房事五曰火丁狀如湯火燒灼瘡頭黑壓黑四邊有胞漿起如赤粟米忌火灸燥六曰爛丁色稍黑有白班瘡中潰潰有膿水流出瘡形大小如匙面忌沸熱食爛帛物七曰三十六丁頭黑浮起形如黑豆四畔起大赤色今日生一明日生二三



日生<sup>三</sup>若蒲<sup>三</sup>三十六藥所不治俗名黑炮忌<sup>三</sup>積愁恨八曰蛇眼丁瘡頭黑皮上浮生形如小豆狀似蛇眼大體硬忌<sup>三</sup>惡眼看之并嫉妬人見及毒茶九曰塩層丁狀如匙面四邊皆赤有黑粟粒起忌<sup>三</sup>鹹食十曰水洗丁形如錢<sup>或如錢</sup>頭白裏黑壓汁出中硬忌飲漿水水洗渡河十一曰刀鎌丁瘡闊狹如薤葉大長一寸左側肉黑如燒藥忌刺及刀鎌切割鐵刃所傷可以藥治十二浮漚丁瘡體曲圓少許不長而狹如薤葉大內黃外黑黑處刺不痛內黃處刺之則痛十三曰牛拘丁肉跑起指不破此十二證初發必

先痒後痛先寒後熱熱定則寒四肢沉重頭痛心驚眼花太重者嘔逆嘔逆則難治麻子丁始末唯痒所錄忌者不得犯犯即難治浮漚丁牛拘丁無忌縱不治亦不殺人欲知犯觸但脊強瘡痛極甚不可忍者是犯之狀也

治十三種丁皆以此方治之

以緋帛壹片裹茶取匝為限亂髮雞子大攤布帛上牛黃加梧子大反鈎棘針貳拾壹枚赤小豆柒粒為末並布髮上捲緋帛作團外以髮作繩十字縛之熨斗中急火燒灰研篩細以拘杞或子或根

皮枝葉隨得為末用拘杞末二七緋白灰二七共  
成三七研勻分二服空腹酒調下

蒼耳散治一切丁腫神良方

蒼耳

根並苗子俱取  
壹色便可用

右燒為灰醋泔淀和如泥塗上乾即易之不過十  
度即拔根出

腸癰證治

癰疽初無定處隨其所發即命名在外則為發背發  
腦在內則為腸癰內癰心癰腎癰肺癰膈癰等治得  
其法則生失法則死外證易識內證難明不可不備

述也腸癰為病身甲錯腹皮急按之濡如腫狀腹無  
聚積身無熱脈數此為腸內有膿久積陰冷所成也  
故金匱用附子溫之小腹腫痞按之痛如淋小便自  
調發熱身無汗復惡寒其脈遲緊者膿未成可下之  
當有血洪數者膿已成不可下此以內結熱所成也  
故金匱用大黃利之甚者腹脹大轉側聞水聲或遠  
臍生瘡或膿從臍出或大便出膿血不治必死其如  
五内生瘡亦止分陰陽利而已不此外癰須依四節  
八事之次第也千金引官羽林婦病醫診之其脈滑  
數滑則為實數則為熱滑則為榮數則為衛衛數下

降榮滑上升榮衛相干血為敗濁少腹痞堅小便或  
澁或復汗出或復惡寒膿為已成設脈遲緊即為痼  
血血下即愈更內經所載有息積病比見有得之二  
三年遍身微腫續乃大腸與臍連日出膿遂致不救  
此亦腸癰之類也不可不審

薏苡仁附子敗醬散治脉數身无熱腹无積聚按之  
濡此為腸癰

薏苡仁貳兩

附子炮半兩

敗醬壹兩壹分

右剉散每服四錢水一盞半煎七分去滓空心服  
小便利為效

大黃牡丹湯治腸癰小腹腫痞按之即痛如淋小便

自調時時發熱自汗出復惡寒其脉遲緊者膿未

成可下之當有血脉洪數者膿已成不可下

大黃半兩

牡丹

桃仁半兩去皮尖

瓜子

參芒消貳錢

右為剉散作壹服以水參盞煎取八分盞去滓入  
芒消再煎沸頓服不以時

薏苡仁湯治腸癰腹中疝痛煩毒不安或脹滿不食

小便澁婦人產後虛熱多有此病縱非癰但疑是

便可服就有差互亦無害

薏苡仁伍兩

牡丹皮

桃仁各參兩

瓜瓣仁肆兩

右為劉散每服四大錢水一盞半煎七分去滓不以時

五痔證治

經云腸痔為痔如大澤中有小山突出為痔人於九竅中凡有小肉突出者皆曰痔不特於肛門邊生亦有鼻痔眼痔牙痔等肛門中證狀不一方書分出五種曰吐曰牝曰脉曰腸曰氣牝痔者肛邊腫痛突出一枚五六日後潰出膿血自愈牝痔者肛邊發癩數箇如鼠乳狀脉痔者无頭脉中逆小竅注下清血腸痔者生在腸內更衣時非按搦不入氣痔者遇夏憂怒

則發肛門腫疼氣散則愈治之之法切勿用生砒毒氣入腹反至奄忽近見貴人遭此痛不忍言因書以戒後學

五灰散治五痔不問內外牡牝寒温勞濕悉主之

鱉甲治吐痔 蝟皮治牝痔 猪左足懸蹄甲治腸痔

蜂房治脉痔 蛇蛻治氣痔 各等分

右燒存性隨證倍下分為末井花水調一錢空心

臨卧時一服

薰法

蝟皮方三指大切 熏黃廉大研 熟艾雞子大

右為末用瓶器以灰實壹半如燒香法安長桶內坐其上薰之煙氣從口出為佳凡二度薰亦差勿犯風冷忌雞肉毒物

洗法

海桐皮剉 蛇床子各一兩 香南藤剉 葱白切各三兩  
右用水一斗入藥五兩煎減半去滓候溫著手輕輕洗以絹拭乾一法止用槐白皮煎湯淋塗最佳

貼藥

蜀葵子半兩 蟬蛻五个 檳榔一个逆馬末  
右用棗三枚取肉研細搜和藥末如覺硬滴以蜜

研成膏量大小貼於病處

辯腸風論

夫有五痔人奏圍則下血或點滴或併箭或清或濁面黃唇白心忪脚弱頭目眩暈此因飽食坐久腸癖所為亦有飲酒房室過度所致世醫多指此為腸風臟毒然腸風臟毒自屬滯下門藏毒即是藏中積毒腸風即是邪入藏純下清血謂之風利今五痔下血乃是酒痔脉痔其血自肛門邊別有竅如針孔大滴淋而下與洩物不共道不可不知  
烏連湯治脉痔下血不止量冷熱加減法

黃連

去鬚 烏頭 炮去皮尖 各等分

右為剉散每服二錢水一盞半煎七分去滓空心服熱則加薑冷加烏頭

酒連丸

治酒痔下血伏暑久治不效

黃連

不以多少燎去鬚酒浸銀器中重湯煮漉出曬乾添酒煮七次止

右為末以餘酒為丸如梧子大每服五十九米湯下

加味四君子湯治五痔下血面色萎黃心忪耳鳴脚

弱氣乏口淡食不知味

人參

茯苓

白朮

甘草 炙

黃芪

白扁豆

蒸各等分

右為末每服二錢匕湯點服此方人未之信服者頗效所謂看不上手面自有奇功

荆芥散治脉痔下血

荆芥穗

槐花

炒焦各一兩

石菖蒲

一兩半

右為末米飲調下二錢食前服日二服

白玉丹治久年腸痔下血服百藥不效者

凝水石

不以多少煨紅研細水飛再入椒窩中煨

右糯米糊丸如梧子大陳米飲下五十九只一服

愈

又方單服白梅亦効

通雅卷之十五

十一

瘡瘍證治

瘡疥雖不至害人浸淫不愈亦有數年不愈者多因  
心腎不寧傷神失志或飲食不節積滯腸胃致氣血  
凝留發於肌肉皮膜之間色目極異所謂馬疥惡露  
反花癩瘡種狀不同或痒或痛汁水淋漓愈而復發  
諸治不差要當調養心腎去腸間莖莖理无不愈

升麻和氣飲治瘡疥發於四肢臂髀痛痒不常甚致  
增寒發熱攻刺疼痛浸淫浮腫及癩風入臟陰下  
濕痒耳鳴眼痛者

蒼朮 二兩米泔浸三宿 桔梗 升麻 乾葛 各一兩 陳皮 六分

甘草 和 芍藥 各三分 半夏 湯洗七次 當歸 白芷

茯苓 各二分 枳殼 厚朴 姜製 乾姜 各半 大黃 蒸半兩

右為剉散每服四錢水一盞半姜三片灯心十  
五莖煎七分去滓食前服

天麻煎治風毒入胃及心腎經絡攻注百節疼痛頭

目虛腫痰涎不利下注腰脚緩弱生瘡婦人血風

男子癩風及風濕脚氣攻注皮膚癢痒癰腫偏正頭風

川烏頭 洗淨灰炒 草烏頭 水浸三日洗

荆芥穗 半斤 乾薄荷 五兩 杜當歸 水浸三日曬

右為末醋糊丸梧子大茶清下二十九丸此方與癩

癩門加味烏荆丸相類但此方入草烏并適製不  
向介

殺疥藥

羊蹄根生切 姜一分 礬半 硫黃一分 草烏頭一箇

右以米泔淹一宿研極細入醪醋和勻入浴時抓  
破瘡傳之遲頃以溫湯洗去絕妙

百草膏治一切惡瘡不問乾濕痛痒日近年深百藥

不差

羊屎不拘多少

右一味上下以瓦盛蓋柴木燒令煙盡末之麻油

調傳痒者入輕粉少許痛者入麝香少許神效

一法用杏仁輕粉最殺虫

癩風證治

男子精血不調外為風冷所襲致陰下濕痒搔之不  
已流注于脚悉生瘡瘍名曰癩風世謂腎臟風者乃  
認癩為腎也癩屬宗筋系於肝胃陽明養之陽明主  
肌肉循經流入四肢故使四肢生瘡正謂之癩風非  
腎藏風也

四生散治癩風上攻下注耳鳴目痒鼻赤齒浮或作  
口瘡下注陰濕四肢搔癢遍体生瘡及婦人血風



白附子 沙苑蒺藜 黃芪 羌活各等分

右為末每服二錢鹽酒調下有人將猪腎破開入鹽糝藥於其間煨服亦佳癩屬宗筋胃陽明養之故有是證

烏頭黃鹽丸 治元臟氣虛癩風入骨上攻頭疼眼赤

眵淚昏澁口乾咽燥下注四肢疼痛歷節重著陰下

濕痒足脛腰膝遍生瘡瘍及風水浮腫

川烏頭洗淨人者破開小者全用 蒼朮 吳茱萸各四兩

京三稜半兩 白鹽十二兩用水煮四味候烏頭透控乾洗盡鹽

右為末米糊丸梧子大每服五十九粒空腹溫酒鹽

湯任下凡水病必忌鹽此藥用鹽无所忌

升麻和氣飲 治如前方見瘡瘍門

天麻煎 治如前方見瘡瘍門

癬證治

凡癬種類亦多所謂苔癬瓦癬荷葉癬雖以皮膚氣血凝滯或為風濕搏成者或為人傳染得之者種狀不同治之各有方

昨葉荷草散 治一切癬无問風濕氣血與夫相染而

生者

昨葉荷草即瓦上曬乾一兩 枯礬一分 雄黃半尖

右為末以羊蹄菜根先蘸醋指癬上令痒破即以藥末乘濕塗傳不過二兩次即愈

妬精瘡證治

夫邏慾人多患妬精瘡者以婦人陰中先有宿精男子與之交接廝熱即成初發在陰頭如粟拂之則痛甚矣兩日出清膿作白孔蝕之大痛婦人亦有此病生在玉門內正似痔蝕瘡不痛為異耳

麝香散治妬精瘡

麝香

黃礬

青礬

各等分

右為末小便後傳之

白散子治妬精瘡痒不可忍者及皮膚諸瘡手抓痒瘡

晉礬

不拘多少

輕粉

每服入少許

右研勻搽瘡上立差如治漏瘡每挑一錢入黃蘗末一錢輕粉半錢

津調散治妬精瘡膿汁淋漓臭爛

黃連

款冬花

各等分

右為末以地骨皮蛇床子煎湯洗用軟帛搥乾以津調藥傳之最忌不得用生湯洗諸瘡皆然

蒲黃散治陰蝕瘡

蒲黃 三兩

水銀 一兩

右研勻先以猪肉湯浸洗挹乾以藥摻之一方治男女陰瘡以硫黃末傳之

大風叙論

經所載癩風者即方論中所謂大風惡疾癩是也雖名曰風未必皆因風大率多是嗜慾勞動氣血熱發汗泄不避邪風冷濕使滯氣與衛氣相干致肌肉積膜氣有所疑則肌肉不仁榮氣泣濁則附熱不利故色敗皮膚瘍潰鼻染闔壞千金所得自作不仁極狠之業雖有悔言而无悔心良得其情然亦有傳染者

又非自致此則不謹之故氣血相傳豈宿業緣會之所為也原其所因皆不內外涉外所因而成也證候多端并見諸后

大風治法

凡治大風須推其所因凡因風寒濕熱勞逸飲食與夫傳染不可混濫散寒濕風濕清熱調和氣血類然不同若例以瀉風藥治之則失其機要矣昔見一僧得病狀如白癩卒不成瘡但每且起白皮一升許如蛇蛻醫者謂多啖炙博所致與局方解毒雄黃丸三四服而愈豈非得其因邪治之

第一浴法

麻黄根

地骨皮

草烏頭

各二兩

右為剉散研朴消二兩勻和每用藥二兩水一桶  
椒一合葱三十莖艾葉一兩同煎十沸入米醋一  
中盞打勻去滓坐溫室中且用手巾搭四肢候湯  
可浴即浴令汗透面上如珠流更坐室中或睡片  
時尤佳候汗解方著衣避風而出五日再浴如此  
兩上浴便服換骨丹

換骨丹

九助鱉甲

去悞

海螵蛸

細剉各半兩

右以塩泥固濟候乾火煨存二分性為末巴豆半

兩去皮膜順手青州棗七箇去核入巴豆膏在  
棗中火燒令焦存巴豆五分性將棗巴豆爛研如  
泥入前二味末同研勻以醋煮糊為丸如棗豆大  
每服七丸虛者四五丸用溫薑汁下候利惡物如  
膿血爛魚腸即住即此三兩服未利更加一二丸  
次服遇仙丹

遇仙丹

人參

紫參

各一兩

苦參

白僵蚕

去此角各二兩

右為末白麵糊丸梧子大每服二十九溫塩湯吞  
下食前日二次服疎風散

疎風散

山梔子仁一兩半 大黄 百滑石 熟地黄懸豆酥炙焦 黃各二兩  
右為末入朴消半兩令勻每服一錢食後淡茶清調下次以佛手膏去瘡

佛手膏去黑紫瘡核

班猫七箇去翅足 巴豆七粒去皮 杏仁二七粒去皮 紅娘子二七箇去翅足  
砒霜一分別研 盆硝一分 黃蠟半兩 韶粉半兩  
瀝青研各半兩 硫黃 黃丹各三分 膩粉炒十分  
菘豆合 槐角三條 麻油四兩 亂髮雞子大一兩  
右用油煎令髮化次下紅娘子次下巴豆槐角等

去毒丹

逐味下焦者瀉出方下硫黃盆硝及丹粉等以篋子不住手攪令勻滴水成珠為度用時先將針輕刺瘡核用藥一粟米大放針處次日擠瘡有黑臭膿血出三兩日血漸少次服去毒丹

赤芍藥

甘草

滑石

各半兩

巴豆

去皮炒別研後入

黑牽牛

一兩半

朴消

大黃

一分

右為末麵糊丸菘豆大臨卧時服十五丸金銀薄苛湯下加至二十九次服甘草散

甘草散

甘草

甘草

滑石 各半

山豆根 一兩

大黃 一分

右為末每服一分蜜熟水調下日二服次服解毒丸

解毒丸

敗薑根 三兩 甘草 半兩 大黃 一分 朴消 一分

右為末麵糊丸如菉豆大每服二十九至三十九

白湯下次服福神丹

福神丹

訶子 四個 巴戟 炒 黑牽牛 生各半兩 甘遂 三錢

赤小豆 四十九粒

右為末麵糊丸如菉豆大每服十丸至十五丸薄荷湯下次用水膏藥

水膏藥傳貼破處及面脚上瘡令生肉

陳皮 去灰土半斤 陳麥米 半升 藿香

馬蹄香 各一兩 麝香 一分

右同為末入麝香用冷水調掃傳瘡上有膿處如損破即煎槐枝湯洗再上藥此十方乃倪處士秘傳曾用有驗大要病人須能如法將息理會敬而信之

通天再造散治大風惡疾

鬱金半兩 大黃一兩 白牽牛六分半 皂角刺 一兩炮經

右為末每服五錢日未出而東以無灰酒下盡量為度晚利黑頭小虫病稍輕者止利如魚腸臭穢物忌毒半月但食稠粥軟飯漸生眉毛皮膚如常甚者不過三兩次須將理不可妄有勞動及終身不得食牛馬騾驢等肉犯者死不救

三濟丸治如前

當歸 熟地黃 川芎 荊芥穗各二兩  
防風 細辛各一兩 桂心一分  
右為剉散先以醋一升浸一宿漉出焙乾再以生

地黃一斤搗汁浸一宿焙乾酒一升浸一宿焙乾旋入乳香半兩以餘酒醋地黃汁釋蒸餅為丸如梧子大用好川烏頭一个炮裂剉荊芥穗半兩浸酒三升旋温下藥五十九

八葉湯淋瀝大風瘡

桑葉 荷葉 地黃葉 皂角葉 蕩葉  
蒼耳葉 菖蒲葉 何首烏葉  
右等分曬乾燒存性為末如面藥洗手面身體

料簡

大風惡疾瘡癩茶毒膿汁淋漓眉鬚墮落手足指脫

頑痺痛痒顏色枯痒鼻塌眼爛齒豁唇揭病證之惡  
無越於斯負此病者百無一生猶且變戀妻孥復著  
名利不仁之行仍欲更作死而無悔深可悲傷九遇  
此疾切須斷鹽及一切口味公私世務悉宜屏置能  
不交俗事絕慶弔幽隱林下依法治療非但愈疾亦  
能因是而至神仙所謂因禍而得福也

三因極一病證方論卷之十五

三因極一病證方論卷之十六

班瘡證治

夫班瘡病內經與張仲景皆不載尋據方論蓋自魏  
朝方有以白頭赤根者俗呼為豌豆即班瘡也細粟  
如麻者俗呼為麻即膚疹也又有大者俗呼為羊為  
萍此皆輕重之不齊故名異耳百問云悔不得轉  
利以瘡疹發於表利之則毒氣入裏龐安常云身疼  
壯熱須少解散藏閉毒攻非利不愈必令汗下初虞  
世亦云瘡疹發於肌肉屬陽明古治法皆以承氣  
湯知之諸說矛盾不無疑誤今皆存之要當分其未



發已發為治若其始發必作寒熱如傷寒狀方證所載耳冷尻冷咳嗽者皆瘡疹證又小兒初得手足搐搦如風癩者亦瘡疹候便可與宣熱拔毒必須利之千金治豌豆瘡初發欲發者單煮大黃服之即明文也若其已發只須解肌用升麻紫草輩是也如是分乏諸說印泮又此病多因傷寒失於汗下或時氣勝復歲主客氣及天行疫病長幼相染者當隨因辨證治之其間唯倒靨敢危宜早為治

三豆飲子治天行豆瘡但覺有此證預服則不發

赤小豆 黑豆 菘豆 升 各壹升 甘草 半兩

右淨淘豆入甘草以水煮熟逐日空心任性食豆飲汗七日瘡自不發

升麻湯治大人小兒傷風寒溫疫頭痛寒熱體疼斑瘡已發未發並可服

升麻 乾葛 甘草 芍藥 各等分

右為劉散每服秤五錢重水二盞煎七分去滓熱服小兒量與一法加紫草茸煎

鼠粘子散治傷寒斑瘡毒氣咽甚不利聲不出疼痛

鼠粘子 炒 丹參 升麻 甘草 乾薄荷 各等分 右為劉散每服三錢水一盞半煎七分去滓不獨

時小兒量與之

龍腦膏治班瘡倒靨

猪心血調腦子成膏以紫草茸煎湯解開稀稠得所服無腦子用辰砂下法白藜葉燒灰為細末每服二錢入麝香少許沸湯調下

仙靈散治班瘡入眼

仙靈脾

歲靈仙

各等分

右為末每服二錢食後米湯調下

豆皮飲治小兒因小兒因出瘡毒入眼生翳

真菘豆皮

白菊花

真穀精草

去根各等分

右為末每服一大錢乾柿一个粟米泔一盞同煎候泔盡只將乾柿去核日服三

丹毒叙論

經云諸痛癢瘡皆屬心心虛寒則痒心實熱則痛丹毒之病由心實熱也心生血主於脉血熱肌浮陰滯於陽即發丹毒方論有云以其色赤如丹砂塗故得丹名然又有水丹白丹五色油丹豈專以赤為名也又有赤硫天火殃火尿竈廢竈野火等古方以為小兒出入游行觸犯所致此因容或有之若小兒在襁褓中能出入亦患此者是豈因觸犯耶大率皆血熱

之所為也叙例于後

丹毒證治

天火丹者肉中忽赤如丹塗之色痛痒不定甚至偏身白丹者肉中腫起痒痛如吹狀雞冠丹者亦名菜萹丹肉上粟起如雞冠水丹者徧體熱起黃色如水在皮中五色油丹者亦名油腫赤硫丹腫熱赤色流入四肢以上皆不問大小如天火骨火殃火尿竈朱由野火等丹多著少小但自腹内生出四肢者則易愈自四肢生入腹者則難治

香藥皮湯治諸種丹毒發於四肢腹背頭面或赤或

白或痒或痛或寒或熱

香藥皮 壹兩

右以一大椀水同煎取半椀以翎毛刷患處神效

伏龍肝散治少小諸種丹毒

伏龍肝 不拘多少

右為末以鷄子白和傅之日三次

金花散治一切丹毒

鬱金 黃芩 甘草 山梔 大黃

黃連 糯米

右七味各壹兩生為末蜜和冷水調以鵝毛上患

處

料簡

治丹毒方千金外臺甚多無出用至冷物凡至冷物無過藻菜如有患丹毒熱腫等取渠中藻菜細切熟搗傳丹上厚三分乾則易之最良

癩癧證治

世醫論癩癧無不謂是皮膚間風然既分冷熱冷熱即寒暑之證又有因浴出湊風冷而得之者豈非濕也則知四氣備矣經云諸痒痛瘡皆屬於心心實熱則痛虛寒則痒又陽明主肌肉屬胃與大腸亦有冷

熱分痛痒不可不審世人呼白者為婆膜赤者為血風名義混殺當以理曉內則察其臟腑虛實外則分其寒暑風濕隨證調之無不愈

加味羌活飲治風寒暑濕外搏肌膚發為癩癧增寒發熱遍身搔痒隨臟氣虛實或赤或白心迷悶亂

口苦咽乾

羌活

前胡

各壹兩

人參

桔梗

甘草

枳殼

麩炒

川芎

天麻

茯苓

各半兩

蟬蛻

去頭足

荷

各參錢

右為末每服二大錢水一盞姜三片煎七分不以

時服

加味烏荊圓治癩癧上攻頭面赤腫搔痒搔之皮便

脫落作瘡作痒或痛淫液走注有如虫行

川烏 湯洗浸參伍次  
去皮尖焙乾秤

荊芥穗 各半  
斤

杜當歸 水浸參日洗  
焙乾秤壹斤

薄荷 伍兩

右為細末好醋煮米粉糊為丸梧子大每服五十

丸温酒茶清下

麴水湯治因浴出湊風冷遍身癩癧搔之隨手腫突

及眩暈嘔噦

白木 壹兩 神麴 貳兩

甘草 壹兩

右為末每服二錢米飲調下下方以土朱研炒冷  
酒調下二錢不飲以茶調之

傳藥

景天壹斤細搗取汁傳上熱灸手摩之再三度差

胡臭漏腋證治

胡臭與漏腋雖不害入性命而害人身奉親事君乃  
至交遊皆非所宜修身之士務為清潔者或得此患  
不可不思有以去之夫胡臭者多因勞逸汗漬以手  
摸而嗅之致清氣道中受此宿穢故傳而為病方論  
有天生臭之說恐未必皆然多見為入相染者蓋其

氣吸上元宮遂散百脉多相沾染忌之為得漏腋者亦由腋下挾汗致汚衣數重皆透然未必臭以二證致之其病自別古方共作一病未為至論

**蜘蛛散**治胡臭熏人不可嚮邇者

大蜘蛛 壹个以黃泥入少赤石脂搗羅極細入鹽少許并煉為壹窠蜘蛛在內焚以火近燒

令通紅候令剖開

右一味研細臨卧入輕粉一字用醞醋調成膏傅腋下明早登廁必漏下黑汁臭穢不可聞於遠僻處傾弃埋之免致染人神良

**六物散**治漏腋腋下足心手掌陰下股裏常如汗濕

汚衣者

乾枸杞根 乾薔薇根 甘草 各半 胡粉

商陸根 滑石 各壹分

右治下篩以苦酒少許和塗當微汗出易衣更塗之不過三著便愈或一歲復發又塗之

**頭痛證治**

頭者諸陽之會上丹產于泥丸宮百神所奪九頭痛者乃足太陽受病上連風府眉角而痛者皆可藥愈或上穿風府隱入于泥丸宮而痛者是為真頭疼不可以藥愈夕發且死且發夕死責在根氣先絕也原

其所因有中風寒暑濕而疼者有氣血食飲厥而疼者有五臟氣鬱厥而疼者治之之法當先審其三因三因既明則所施無不切中

芎辛湯治傷風寒生冷及氣虛痰厥頭疼如破兼眩暈欲倒嘔吐不定

附子

生去皮臍

烏頭

生去皮尖

天南星

乾薑

甘草

炙

川芎

細辛

各等分

右為剉散每服四大錢水二盞姜五片茶芽少許煎七分去滓食後

藿香散治傷風挾涎飲上厥頭疼偏正來腦諸風

藿香

半兩

川烏頭

湯浸柴次去皮尖壹兩

乳香

參皂角子大

草烏頭

炮製去皮尖半兩

右為末每服一字薄荷茶清調下食後服

惺惺散治傷寒發熱頭疼腦痛

石膏

甘草

麻黃

去節湯各等分

右為末每服二錢水一小盞茶半錢葱白三十碎擘煎三五沸先嚼葱白細嚥下去枕仰卧如發熱再投一服出汗立愈

玉屑散治傷寒發熱涎潮上厥伏留陽經頭疼眩暈不可忍者

石膏煨

右研細每服葱白點茶調下二錢小兒量大小如減與之

益精氣

川芎

半兩

白朮

半兩

附子

生去皮  
失半兩

甘草

桂心

壹分

右為剉散每服四大錢水二盞姜七片棗一個煎七分去滓食前服

救生散治外傷風冷內積憂思氣鬱聚涎隨氣上厥伏留陽經頭疼壯熱眩暈或胸膈痞塞痞兼服寬中

圓并攻之

菊花帶

川芎

石膏

煨各  
壹兩

甘草

一分

右日乾為末每服三錢煎葱湯調下如覺胸痞即調此下寬中圓不計時服

寬中圓治氣滯不快飲食不消胸膈痞塞凝痰聚飲

狀如傷寒頭疼胸痞

大附子

炮去  
皮臍

木香

炮

青皮

大黃

濕紙裹煨  
各等分

右為末醋煮糊圓梧子大每服十圓姜湯下頭疼甚則調救生散送下

天南星圓治腎厥頭疼不可忍



硫黃

石膏

天南星

炮 焰硝 各等分

右為末糊丸如梧子大每服三十圓空心食前溫酒下

硫朱丹治腎厥及痰厥頭疼諸藥不效

硫黃

川烏頭

炮去皮 各半兩

朱砂

水飛 貳兩

天南星

一兩 炮製

右為末薑汁煮糊圓梧子大每服十五圓生姜薄荷湯下

葫蘆巴散治氣攻頭痛如破者

葫蘆巴

炒

三稜

剉醋浸一宿 各一兩

乾薑

炮一分

右為末每服二錢生姜湯或酒調下

雄黃圓治八般頭風及眩暈惡心吐逆諸藥不治

通明雄黃

一兩

川烏頭

生去皮尖 一兩半

右二味為末滴水圓如梧子大每服十九煨葱白茶清下即用後藥擗鼻

擗鼻藥

草撥

良薑

各一分

白芷

一錢

細辛

半錢

右為末每服一小字先含水一口分擗鼻內吐水即止

大附圓治元氣虛壅上攻偏正頭疼不可忍

大附子

炮去皮 臍一枚

右為末葱汁糊圓菜豆大每服十圓至十五圓茶清下一法以川烏頭炮去皮尖為末用韭葉自然汁和圓治風虛痰涎頭疼

如聖餅子治氣厥上盛下虛痰飲風寒伏留陽經偏正頭疼痛連腦巔吐逆惡心目瞑耳聾常服清頭目消風痰暖胃氣

川烏頭生去皮 天南星 乾薑各一兩 甘草

川芎各二兩 天麻 防風 半夏洗去滑各半兩

右為末湯浸蒸餅和丸雞頭大捻作餅子曬乾每服五餅同荊芥三五穗細嚼茶酒任下熱水亦得

不拘時候

眼叙論

夫眼者五臟之精明一生之至寶如天之有日月其可不保護之然骨之精為瞳子屬腎筋之精為黑眼屬肝血之精為絡果屬心氣之精為白眼屬肺肉之精為約束屬脾契筋骨血氣之精與脉并為系系上屬於腦後出於項中故六淫外傷五臟內鬱飲食房室遠視悲泣抄寫雕鏤刺繡博奕不避煙塵刺血發汗皆能病目故方論有五輪八廓內外障等各各不同尤當分其所因及臟腑陰陽不可混濫如日決其

面者為兌，背屬少陽，近鼻上為外，背屬太陽，下為內，背屬陽明，赤脈從上下者，太陽病從下上，陽明病從外走內者，少陽病，此三陽病不可混也。睛色赤病在心，色白病在肺，色青病在肝，色黑病在腎，色黃病在脾，色不可名者，病在胃中，此五臟三陽病不可混也，仍叙三因于后。

三因證治

病者喜怒不節，憂思兼并，致臟氣不平，鬱而生涎，隨氣上厥，逢腦之虛，侵淫眼系，陰注於目，輕則昏澁，重則障翳，眵淚努肉，白膜漫睛，皆內所因，或數日風寒。

不避暑濕邪中於項，乘虛循系以入於腦，故生外翳。醫論中所謂青風、綠風、紫風、黑風、赤風、白風、白翳、黃翳等，隨八風所中，變生諸證，皆外所因，或嗜慾不節，飲酒無時，生食五辛，熱啖炙博，馳騁田獵，冒涉煙塵，勞動外精，喪明之本，所謂恣一時之游佚，為百歲之固愆，皆不內外因治之，各有方。

千金神麴圓明目百歲可讀細書常服益眼力

神麴

四兩

磁石

二兩 煨醋 泔漆次

光明砂

一兩

右為末，煉蜜為丸，梧子、大米飲服，五丸，食前日三服。

羌活散 治風毒氣上攻眼目昏澁翳膜生瘡及偏正頭疼目小黑花累累者

羌活 川芎 天麻 旋覆花

青皮 天南星 炮 藁本 各一兩

右為末每服二錢水一盞薑二片薄荷漆葉煎七分

分食後服一法入牽牛末貳兩以生薑汁煮糊圓

如梧子大酒任下二三十圓

白蒺藜散 治腎臟風毒上攻眼目赤腫熱淚昏澁努

肉攀睛

白蒺藜 炒去角 防風

甘草 生

疆蚕 去絲背各一兩直者

南星 一兩半 黑豆 二合 青鹽 半兩 水煎透取出焙秤不用鹽豆 甘草 煎 菊花 三兩 右為末每服二錢煎甘草湯下食後服忌炙薄 洗肝散 治肝熱赤脉貫精澁痛衝風淚下兼治熱血

攻心

白蒺藜 一兩 防風 半

羌活 各半 馬牙硝 二兩

甘草 一分

右為末每服二錢白湯調下食後服

椒紅圓 明目暖水臟補虛方久服駐顏縮小便

川椒 取紅四兩 巴戟 心去

金鈴子 剉炒 茴香 炒

附子 炮去皮臍 各一兩

右為末山藥參兩為末酒煮細搜為圓梧子大空心鹽湯下三五十九

煮肝散治眼赤有耳痒證則用四生散入羊子肝煮甚妙

四生散方見癩風門每服四錢匙鹽酒入羊子肝煮

空心温服羊子肝即羊肝上小片子者是

驅風散治風毒上攻眼腫痒澁痛不可忍或上下臉

眦赤爛翳肉侵睛

五倍子一兩去塵土 蔓荊子一兩半洗

右為剉散每服三錢水一盞銅右器內煎及一盞

澄清熱洗留滓二服再煎

立勝散治風毒攻眼及時眼隱澁羞明腫痛

黃連 黃蘗 秦皮去鹿皮 甘草等分

右為剉散每服四錢水一盞棗一枚燈心七莖煎數沸去滓以新羊毫筆蘸刷眼候温即用手沃之

一法不用黃蘗甘草有黃芩防風

神仙照水膏治瘡

蠟一兩 黃丹一兩 蛇蛻一分 水銀一錢

初生烏雞殼一箇

右用柳木槌研細滴蠟為餅臨卧用之候天明將

水照眼藥水隨水中膜盡去

藥竹瀝膏治一切赤眼障翳

慈竹壹段

去兩頭節

黃礬

去麤皮刮細者蒲填竹內

右用磚對立置竹磚上兩頭各安淨椀以乾竹火

燒令瀝出盡收之以釵股銅筋點

通利膏治眼赤澁翳膜遮障時多熱淚

杏仁

二拾壹箇去皮尖口嚼細

乳香

皂子大

輕粉

壹字

右旋入口中都嚼候津液滿口吐出藥器中置火

上令

四邊沸以綿濾別盞中入生惱子如皂子

大研勻再濾過以銅筋點之

通神膏治眼生翳膜赤脉努出澁痒疼痛有淚

沙蜜

肆兩

青鹽

麝香

各壹字

乳香

硃砂

滴淋過

枯礬

各半字

當歸

半錢

黃連

壹錢

右件乳鉢內研破同蜜入青竹筒內密封閣定煮

半日厚綿濾過點眼

蛤粉圓治雀目不拘久近但日落便不見物

上色蛤粉

細研

黃蠟

等分

右鎔蠟搜粉為丸如棗大每用猪肝一片二兩許

批開裹藥一丸麻線纏釜器內水一椀煮熟取出

乘熱熏眼至溫喫肝以知為度

鼻病證治

肺為五臟華蓋百脉取氣於肺鼻為肺之閫闔吸引五臭衛養五臟升降陰陽故鼻為清氣道或七情內鬱六淫外傷飲食勞佚致清濁不分隨氣壅塞遂為清涕鼻洞濁膿腦絲衄血息肉久而為齶雖種種不同未始不涉三因有致泥丸汨亂變生諸證

羊肺散治肺虛壅鼻生息肉不聞香臭

羊肺洗乙具 白木肆兩 茯苓 木通

乾薑 川芎各或兩為細末

右以水量打稀稠得所灌肺中煮熟細研焙乾為

宋食後米飲服一二錢

細辛膏治鼻塞腦冷清涕出不已

細辛 川椒 乾薑 川芎 吳茱萸

附子去皮臍各參分 皂角屑半兩 桂心乙兩 豬脂陸兩

右煎豬脂成油先一宿以苦酒浸前八味取入油煎附子黃色止以綿惹塞鼻孔

通草散治鼻齶氣息不通不聞香臭并有息肉

木通細辛附子各等分 右為末蜜和綿裹少許內鼻中

一法以苾芾為末綿裹內鼻中或吹入亦可

一法以枯礬研為面脂和綿裹少許內鼻中數日

息肉與藥消落

粉黃膏治肺熱鼻發赤瘰俗謂酒皸

硫黃乙分 羅蔔切去蓋刺作籠子入硫黃在內以竹針蓋定正安糠火煨乙宿取出研細

輕粉 烏頭尖各少許

右研勻以面油調卧時傳早晚洗去以酥調尤佳

一法用乳香硫黃細辛輕粉等分為末水調傳

一法梔子為末蠟丸小彈子大茶酒任下一丸

凡鼻頭微白者亡血也赤者血熱也酒客多有之若時行衄血不宜斷之或出至一二升不已即以龍骨為末吹入凡九竅出血皆用此法甚良餘衄方見失

血門

唇病證治

唇者脾之候也意舍之所榮燥則乾熱則裂風則瞶動寒則揭氣鬱則生瘡血枯則瀋而無色治之之法內則隨證調其脾外當以藥傳之

清脾湯治意思過度蘊熱於脾口乾唇燥瀋裂無色

黃芪 香白芷 升麻 人參 甘草 半夏湯去滑

右為剉散每服四錢水一盞半姜五片棗二分小麥三十粒煎七分去滓不以時服

羌活散治風濕入脾致唇口瞶動翳揭頭疼目眩及



四肢浮腫如風水狀

羌活 參兩 茯苓

薏苡仁 各乙

右為末每服二錢水一大盞煎七分入淡竹瀝壹

匙許再煎服

菊花圓治脾肺氣虛憂思過度榮衛枯耗唇裂瀆緊

或口吻生瘡容色枯頓男子失精女子血衰悉主

之

甘菊花 枸杞子

肉蓯蓉 酒浸洗切 巴戟 去心各等分

右為末蜜丸梧子大每服三五十九米湯下

青灰散治唇緊燥裂生瘡面無顏色

青布 燒灰

右研細以猪脂調夜傳睡一法以頭垢傳之

凡審唇緊唇上生瘡唇裂並以甲煎傳之彌効

口病證治

夫口乃一身之都門出入榮養之要道節宜微爽病必生焉故熱則苦寒則鹹宿食則酸煩燥則澁虛則淡疸則甘五味入口藏於胃脾行其精華分布津液於五臟臟氣偏勝味必偏應於口或勞鬱則口臭凝滯則生瘡不可失睡失睡則愈龍石散治上高壅毒口舌生瘡咽嗑腫痛以少許摻

患處燕津

寒水石兩 煨參辰砂二錢半 別研

生腦子半字

右為末日夜數次用小兒瘡癩攻口先以五福化毒丹掃却用此藥摻立効

赴庭散治口瘡疼痛

五倍子一兩 洗黃檗蜜塗灸 紫色滑石各半 兩

右研細末每服半錢許摻患處燕津不妨便可飲食

綠雲膏治口瘡臭氣癩爛久而不差

黃堊半兩螺青二錢

右研細臨卧置一字在舌下不妨燕津遲明差

一法以銅綠易螺青

兼金散治蘊毒上攻或下虛邪熱病口生瘡

細辛各等分黃連各等分

右為末先以熱水搵帛揩淨摻藥患處良久涎出吐之

杏粉膏治口瘡以涼藥傳之不愈者

杏仁拾粒去皮尖輕粉一字

右研杏仁細調勻臨卧傳瘡上少頃吐之勿燕

生香膏治口氣熱臭

甜瓜子 去殼

右一味研細蜜熬少許調成膏食後含化或傳在齒間

一方用香附子炒去毛為末每早晚搽少許牙上

齒病證治

齒為關門腎之榮骨之餘也腎衰則齒豁精固則齒堅又大腸支脈在牙斷主灌注於牙大腸壅則齒為之浮大腸虛則宣露挾風則攻目頭面痒蠹則齧脫為痔皆氣鬱而生諸證不同治之各有方安腎丸八味圓並治虛壅牙齒疼痛浮腫

安腎圓

方見腰疼門

八味圓

方見脚氣門

西嶽蓮華峯神傳

齒藥方

猪牙皂角及生薑

西國升麻熟地黃

木律旱蓮槐角子

細辛荷葉要相當前荷葉心用

青鹽等分同燒燉

研細將來使最良

搽齒牢牙髭鬚黑

誰知世上有仙方

常用齒藥牢牙去風冷虫螭宣露不問老少用之甚

効

槐枝

柳枝

各長肆寸壹握切碎

皂角

不种者七莖

鹽

肆拾文重

右同入甕瓶內黃泥固濟糠火燒一夜候冷取出

研細用如常法有石佛庵主年七十餘云祖上多患齒疼脫落得此方效數世用之齒白齊密乃良方也

玉池散治風虫牙疼腫痒動搖牙齦潰爛宜露出血口氣等疾

地骨皮 香白芷 川升麻 防風 細辛

川芎 槐花 當歸 藁本 甘草各等分

右為末每用一字許揩牙或大段痛即取二錢水一盞半黑豆半合生姜三片煎至一盞稍温嗽候冷吐之殊効或用金沸草散重漱亦佳

舌病證候

舌者心之官主嘗五味以榮養於身資於脾以分布津液於五臟故心之本脉係於舌根脾之絡脉係於舌傍肝脉循陰器絡于舌本凡此三經或為風寒濕所中使人舌卷縮而不能言或憂怒思恐所鬱則舌腫滿而不得息心熱則破裂生瘡肝壅則出血如湧脾閉則白胎如雪諸證雖異治之各有方

升麻柴胡湯治心脾虛熱上攻舌上生瘡舌本強頰兩邊腫痛

柴胡 升麻 芍藥 梔子仁

木通

各一兩

黃芩

大青

杏仁

去皮尖各參分

石膏

煨二兩

右為劉散每服四大錢水一盞姜五片煎七分去

滓食後服

金沸草散治風寒傷於心脾令人增寒發熱齒浮舌

腫

荊芥穗

兩肆

旋覆花

前胡

麻黃

去節各三兩

甘草

炙

芍藥

赤者半夏

湯漆次各一兩

右為劉散每服四大錢水一盞半姜七片棗二個煎七分去滓嗽口吐一半喫一半世醫用此發散

傷風傷寒及加杏仁五味子治咳嗽皆効獨未知治舌腫牙疼辛未年有人患舌腫如吹蒲塞其中粥藥不入其勢甚危大煎一劑乘熱以紙籠氣熏之遂愈又一婦人牙疼治療不差致口頰皆腫亦以此藥熏漱而愈故特記之

烙腫法

凡舌腫舌下必有噤虫狀如螻蛄卧蚕有頭尾頭小白可燒鐵烙烙頭上即消

黑散子治舌忽然腫破

金底煤

研細

右以醋調傳舌上下脫去更傳能先決出血竟傳之彌佳一法用鹽等分調

薄荷蜜治舌上生白胎乾澁語話不真

薄荷自然汁

白蜜 等分

右先以生薑片蘸水揩洗竟傳之良

文蛤散治熱壅舌上出血如泉

五倍子

洗

白膠香

牡礪粉

各等分

右為末每用少許摻病處或燒鐵草熟焙孔上

礬石散治風濕寒舌強不能語

枯礬

桂心

各等分

右為末每壹錢安舌下或用正舌散治之方見中風門

凡失欠頰車蹉且開不能合以酒飲之令大醉睡中吹藥搗其鼻嚏透即自正

咽喉病證治 哽附

夫喉以候氣咽以嚥物咽接三腕以通胃喉通五臟以系肺氣穀攸分皎然明白有為水喉穀喉之說者謬說也千金復云喉嚥候脾胃咽門候肝膽亦非至論智者當以理推不可強存乎人矣諸臟熱則腫寒則縮皆使喉閉風燥亦然五臟久咳則聲嘶嘶者喉

破也非咽門病咽腫則不能吞乾則不能嚥多因飲  
啖辛熱或復嘔吐咯傷致咽系乾枯之所為也與喉  
門自別又有懸癰暴腫閉塞喉嚨亦如喉閉但懸癰在  
上腭俗謂鶯翁又謂之鵝聚俗語聲訛不可不備識  
小續命湯治卒喉痺不得語方見中風門  
加杏仁去皮尖七箇煎甚効

王鑰匙治風熱喉痺及纏喉風

焰油一兩鵬砂半兩腦子壹字白殭蚕一分  
右為末研勻以竹管吹半錢許入喉中立愈

神妙散治喉閉熱腫語聲不出

荆芥穗別為末草麻生去皮別研各等分

右入生蜜少許丸如皂子大以綿裹含化急則嚥  
化一法用朴油不用荆芥

蜜附子治腑寒咽門閉不能嚥

大附子生去皮臍

右切作大片蜜塗炙令黃含嚥津其味盡更塗炙  
用

玉屑無憂散治纏喉風咽喉疼痛語聲不出嚥物有  
礙或風涎壅滯口舌生瘡大人酒癥小兒爛疔或  
悞吞膏屑哽塞不下

玄參 貫衆 滑石 縮砂仁

黃連 甘草 茯苓 山豆根

荊芥穗 各半 寒水石 煨 鵬砂 各參

右為末每服壹錢先抄入口以新水嚥下此藥除三尸去八邪殺九虫辟瘟療渴

荊芥湯治風熱肺壅咽喉腫痛語聲不出喉中如有

物哽噎之則痛甚

荊芥穗 半兩 桔梗 二兩 甘草 一兩

右為剉散每服四錢水壹盞薑三片煎六分去滓溫服 一法去荊芥穗名如聖湯

解毒雄黃圓治纏風及急喉痺卒然倒仆失音不語

或牙關緊急不省人事或上膈壅熱痰涎不利咽喉腫痛

雄黃 飛一分 鬱金 一分 巴豆 去皮出油

右為末醋糊圓菴豆大熱茶清下漆圓吐出頑涎立省未吐再服如未至死心頭尚溫灌藥下喉無有不活

乾薑散治懸壅壅熱卒暴腫大

乾薑 半夏 湯洗去 右為末以少許著舌上嚥津

一法用鹽抹筋頭張口挂之日五六吹

麻仁散治穀賊尸咽咽喉中癢此因誤吞穀芒捨刺



痒痛

脂麻炒下以多少

右為末湯點服凡穀賊屬咽馬喉風屬喉不可不

馬鞭草散治馬喉痺洪腫連頰吐氣數者

馬鞭草根

右搗自然汁每服燕壹合許一法用馬樹鐵汁服亦妙

凡治哽之法皆以類推如鸕鷀治魚哽磁石治針哽髮灰治髮哽狸虎治骨哽亦各隨其類也

蜜綿薤白通治諸哽

煮薤白令半熟以線繫定手捉線少嚼薤白嚥之  
度薤至哽處數牽引哽即出矣

一法綿一小塊以蜜煮用如食薤法

玉屑無憂散治一切物硬方見前治纏喉風下

耳病證治

腎雖寄竅於耳當知耳為聽會主納五音外則宮商角徵羽內則唏噓呵吹咽內關五臟外合六淫故風寒暑濕使入聾聵耳鳴憂思喜怒多生內塞其如勞逸不言而喻復有出血生膿聾耳底耳或盯聾上直  
下乃不出飛走投入諸證既殊治各有法

菖蒲圓治耳卒痛及聾耳寒不聞聲

菖蒲

附子 炮去皮臍 各等分

右為末以醋丸如杏仁大綿裹內耳中日貳易之

補腎圓治腎虛耳聾或勞頓傷氣中風虛損腎氣升

而不降致耳內虛鳴

山茱萸 乾薑 炮 巴戟 芍藥 澤瀉

兔絲子 酒浸 遠志 去心 桂心 黃芪 石斛

乾地黃 細辛 附子 炮 當歸

牡丹皮 蛇床子 甘草 茯苓 酒浸

人參 各二兩 防風 半兩 茯苓 半兩

羊腎 二枚

右為末以羊腎研細酒煮麩糊為圓如梧子大食前鹽酒任下參拾圓至伍拾圓

蠅彈圓治耳虛聾

白茯苓 二兩 山藥 炒參 杏仁 去皮尖炒 黃蠅 二兩

右以前參味為末研勻鎔蠅為丸如彈子大鹽湯嚼下有入止以黃蠅細切嚼點好建茶送下亦效

乾蝎散治耳聾因腎虛所致十年內壹服效

乾蝎 黃色小者并頭尾用肆拾枚个生薑切如蠅

大肆拾枚片二味銀石器內炒至乾為細末右向晚勿食初夜以酒調作壹服至貳更以來徐

徐盡量飲五更耳中聞百十擗笙響便自此聞聲  
解倉飲子治氣虛熱壅或失飢冒暑風熱上壅耳內  
聾閉徹痛膿血流出

赤芍藥

白芍藥

各半兩

當歸

甘草

大黃

木鱉子

去殼各一兩

右為剉散每服四錢水壹盞煎七分食後臨卧服

麝香散治聾耳底耳耳內膿出

桑螵蛸

一個慢火炙及捌分熟存性

麝香

一字別研

右為末研令勻每用半字摻耳內如有膿先用綿  
燃紙以藥摻之一法用漆坯枯礬等分為末以苦

管吹入耳中即愈或入麝香更佳

諸百虫入耳用麻油灌之即効

諸耳中出血以龍骨末吹入即止

三因極一病證方論卷之十六

